



EXCMA. DEPUTACIÓN PROVINCIAL DE LUGO

ÁREA DE ECONOMÍA, RECADACIÓN E FACENDA. SERVIZO DE XESTIÓN, RECADACIÓN E INSPECCIÓN TRIBUTARIA

Anuncio

- E D I C T O -

NOTIFICACION COLECTIVA DE DÉBEDAS TRIBUTARIAS DE VENCEMENTO PERIODICO.

De conformidade co establecido no artigo 102.3 da Lei 58/2003, xeral tributaria, do 17 de decembro, notificase colectivamente a liquidación dos ingresos públicos e concellos que se citan:

CONCELLO	PERIODO	TAXAS
A PONTENOVA	3º-trimestre-2020	Taxa auga, lixo, sumidoiros, canon da auga Xunta de Galicia
BARALLA	3º-trimestre-2020	Taxa auga, lixo, sumidoiros, canon da auga Xunta de Galicia
POL	3º-trimestre-2020	Taxa pola recollida de residuos sólidos urbanos
O PÁRAMO	3º-trimestre-2020	Taxa pola recollida de residuos sólidos urbanos

Os Padróns poderán ser consultados polos interesados na Deputación Provincial de Lugo/ Servizo de Xestión Tributaria e Recadación (rúa Tui, nº 5-baixo 27004- Lugo) e no Concello correspondente, durante o prazo de QUINCE DIAS contados a partir da publicación deste anuncio no Boletín Oficial da Provincia.

As liquidacións obxecto de notificación colectiva teñen carácter provisional segundo o disposto no art. 101.4 da Lei Xeral Tributaria e, en contra destas, poderase interpoñer recurso de reposición perante o órgano competente do Concello, no prazo DUN MES, a contar dende o día seguinte da finalización do prazo de exposición. Poderase exercer, non obstante, calquera outro recurso que se considere procedente. Todo iso, en virtude co establecido no art. 14.2 do Texto refundido da Lei reguladora das Facendas locais.

ANUNCIO DE COBRANZA

Recadacion en período voluntario de débedas tributarias de vencemento periódico.

De conformidade co establecido nos artigos 24 e 25 do Regulamento xeral de recadación, aprobado por Real decreto 939/2005, do 29 de xullo, comunicase que o prazo de ingreso en período voluntario de Taxas e Prezos Públicos, relacionados abaixo, empezará a contar o día 4/01/2021 e finalizará o día 04/03/2021, ambos os dous incluídos.

Relación de tributos e concellos:

CONCELLO	PERIODO	TAXAS
A PONTENOVA	3º-trimestre-2020	Taxa auga, lixo, sumidoiros, canon da auga Xunta de Galicia
BARALLA	3º-trimestre-2020	Taxa auga, lixo, sumidoiros, canon da auga Xunta de Galicia
POL	3º-trimestre-2020	Taxa pola recollida de residuos sólidos urbanos

O PÁRAMO	3º-trimestre-2020	Taxa pola recollida de residuos sólidos urbanos
----------	-------------------	---

O ingreso das débedas realizarase en calquera oficina da Entidade ABANCA, “La Caixa” - Caixabank SA, Banco Bilbao Vizcaya Argentaria S. A. (BBVA) e Banco Sabadell S.A., en días laborables, de luns a venres, de 08:30 a 14:00 h, na que se presentará o documento de ingreso que se envía, por correo, aos domicilios dos contribuíntes. As persoas que non reciban ou extravién o documento de ingreso, poderán solicitar un novo na oficina da entidade bancaria e realizarán, igualmente, o pagamento.

O pagamento dos citados tributos poderase domiciliar, para anos sucesivos, en caixas de aforros, bancos e demais entidades financeiras. Para este trámite será necesario cubrir o impreso de domiciliación que acompaña ao documento cobratorio e remitilo ao Servizo de Xestión Tributaria e Recadación, ou ben entregalo en calquera oficina de ABANCA, cando a domiciliación se refira a unha conta aberta nesta entidade.

Infórmase tamén que, transcurrido o prazo de ingreso en período voluntario, as débedas faranse efectivas pola vía de constrinximento e serán esixibles as recargas do período executivo e os xuros de mora correspondentes, tal como estipulan os artigos 26 e 28 da Lei 58/2003, do dezasete de decembro, xeral tributaria e, se é o caso, as custas que se produzan.

A falta de pagamento do Canon da Auga e do Coeficiente de Vertedura, no período voluntario sinalado suporá a esixencia do mesmo directamente ao contribuínte pola vía de constrinximento pola consellería competente en materia de facenda da Xunta de Galicia. A repercusión do canon da auga e do Coeficiente de Vertedura poderá ser obxecto de reclamación económico administrativa ante o órgano económico-administrativo da Comunidade Autónoma de Galicia no prazo dun mes dende esta notificación.

O Presidente, P. D. Decreto, de data 24/07/2019, A Deputada Delegada de Economía, Recadación, Facenda e Especial de Contas, Mayra García Bermúdez.

R. 3264

CONCELLOS

ALFOZ

Anuncio

CORRECCIÓN DE ERROS

Advertido un erro no Boletín Oficial da Provincia do día 26 de novembro de 2020, polo que se aproban os padróns de taxa polo abastecemento de auga, no que se inclúe o canon de auga, taxa de vertedura e dereito de acometida e o padrón da taxa por recollida de lixo correspondente ao segundo trimestre de 2019:

Onde di:

“ Por uns importes que ascenden á cantidade de oito mil catrocentos oito euros con cincuenta e un céntimos (8.408,51 €), IVE incluído, pola taxa de abastecemento de auga, dezaseismil cento noventa e nove euros (16.199 €), pola taxa de recollida de lixo, dous mil cincocentos trinta e sete euros con trinta e nove céntimos (2.537,39 €) polo canon fixo da auga, nove mil seiscentos noventa e catro euros con sesenta e dous céntimos (9.694,62 €) polo canon variable da auga, mil catrocentos vinteun euros (1.421 €) pola taxa fixa de vertedura, seis mil trescentos once euros con quince céntimos (6.311,15 €) pola taxa variable de vertedura”

Debe dicir:

“ Por uns importes que ascenden á cantidade de seis mil seiscentos trinta e sete euros con cincuenta e cinco céntimos (6.637,55 €) IVE incluído pola taxa de abastecemento de auga, dezaseis mil cento noventa e nove euros (16.199 €) pola taxa de recollida de lixo, dous mil cincocentos trinta e catro euros con tres céntimos (2.534,3 €) polo canon fixo da auga, sete mil catrocentos corenta e dous euros con vintedous céntimos (7.442,22 €) polo canon variable da auga, mil catrocentos dezasete euros con noventa e un céntimos (1.417,91 €) pola taxa fixa de vertedura, catro mil cincuenta e oito euros con setenta e cinco céntimos (4.058,75 €) pola taxa variable de vertedura”

Alfoz, 30 de decembro de 2020, O alcalde, Jorge Val Díaz.

R. 3407